



## 洗身軀

往過的爸母生五、六個是四常的代誌，會使躑十家口仔的工寮若連大人總算在內，上無五、六十個人，佇食暗飽煞攏當等欲洗盥。一個扯三分鐘就好，愛三點鐘久才舞會透。較害的是有門通鎖的浴間仔干焦一間爾，若欲予大細漢輪甲齊著，等欲洗衫仔褲的查某人，共衫晾好就三更暝半，賸的工課攏免做矣。

有內鎖的浴間仔，是大人恰大漢因仔才會使去排欲洗的所在。細漢因仔毋管是查埔、查某，一來家己洗袂清氣，二來時間才袂拖傷久，一家一跤柴桶，圍佇大水缸邊，予老母鬥洗較規氣。猶未輪著的，褪光光倚佇邊仔聽候，袂輸等欲刮的豬仔一隻一隻白鑠鑠、幼麵麵。因仔人細漢罔細漢，攏會慢一領巾仔掩身軀，欲洗的時就緊跳入去桶仔底坐，見若有倚起來就歹勢歹勢，用手掩牢牢驚予人看著，閣會叫邊仔當等的因仔，越頭袂使看。我就是按呢。阿母定定用手搨我的尻川斗講：「莫遐無 khà 好無，按呢是加慢的。」實在誠笑談。

囝生濟的老母，規日無閒甲親像干樂按呢轉無歇。因仔管顧袂著，賸洗身軀的時才會恰老母相搪，大人嘛趁這個流擺恰因仔算數。褪光光的白肉豬，若予阿母看著衫褲鑠鑠破，就那洗那罵講：「死因仔脯！你是毋捌耍著是毋？」出手就對大腿邊捻落去。因仔開喙哀甲鬼欲掠去，目屎流目屎滴講：「後擺毋敢矣啦，嗚.....阿母，莫閣捻矣，嗚.....嗚.....。」

也有母仔罔那洗那耍水，phì-phì-phè-phè 笑到吱吱叫。邊仔兩、三個當等欲洗的因仔，就催講：「阿母，莫閣耍矣，較緊的啦！」

若看著手骨、跤腿抑是佗位有小可烏青、凝血，就毋甘甲那戛那問：「是拚著啥？佗一個因仔遐夭壽咧，猶會疼袂？」無問無代誌，一下問煞，因仔開聲大哭：「是阿木共人摸一下跋倒損著石頭，足疼的！」比雷公霆較大聲，目屎像西北雨按呢落袂煞。「惜，阿母惜，阿母毋甘，阿母毋甘！」共罔攬緬緬，惜甲袂得通停。

這款齣頭，擋都無五秒就隨恬去矣，即時袂記得彼搭會疼的烏青、凝血，嘛是戽水耍甲咯咯叫。踮邊仔等欲洗的因仔拍拈涼講：「會曉司奶的因仔上愛哭！」話才煞「嗚.....阿母，你看個啦！」閣開始吼甲大細聲。

規灶絞間，有笑也有哭。水聲、講話聲、喊因仔恰罵因仔聲絞絞做一伙，心適閣鬧熱，袂輸透早的菜市仔。

作者：藍春瑞

### ☆詞彙學習☆

【浴間仔】ik-king-á：浴室。

【尻川斗】kha-tshng-táu：整個屁股。

【無 khà】bô-khà：無暇。

【干樂】kan-lòk：陀螺。

【算數】sng-siàu：結算帳目、了結恩怨。

【死因仔脯】sí-gín-á-póo：死小孩。用來咒罵小孩的用語。

【phì-phì-phè-phè】擬聲詞。

【戛】luán：用手輕揉。

【夭壽】iáu-siū：口頭語，表示驚訝。

【拍拈涼】pah-lā-liàng：閒話家常、閒扯。

【司奶】sai-nai：撒嬌。